

# OMUKWETU

No 1.

Januarie

1957.

## OHOOLE.

„Ohoole oyo egwanitho lyompango.“ Rom. 13:10, „Zaleni ohoole, oyo epaya lyegwaneno olyokumanga kumwe.“ Kol. 3:14.

Ohoole oya simana noonkondo moshilongo sha Kalunga. Eitaalo nalyo wo oshinima oshinene. Noshwo etegameno oyo oshinima oshinene. Ihe ohoole oyo onene yi vule ayihe mbyoka iyaali.

Kalunga oye mwene ohoole, nohoole ayihe ya shili oya zi mu Kalunga. Shaa ngoka e nohoole yokuhoola Kalunga noyokuhoola aantu aakwawo, oye ota dhimbululwa, oye omuna gwa Kalunga.

Pethimbo lyokrismesa otwa hokololelwa ishewe nawa ohoole ya Kalunga. Oshoka opo mpoka pe nohoole, Kalunga sho kwa li e tu hoole nokwa tumu Omumwana, a ninge Omuhupithi gwetu.

Ohoole ndjoka ya Kalunga yoku tu hoola inatu yi hokololelwa owala. Kalunga a hala, ohoole tuu ndjoka yi mone wo eha mutse. Omolwa shoka otu na oosondaha ndhika mooteksti dhetu omatumbulo ngoka taga monika mpaka kombanda.

Kalunga okwa pe aantu ompango ye, opo aantu ya Kalunga ya tseye okuyanda uuwinayi auhe. Mokokonakona iipango omulongo ya Kalunga otatu dhimbulula, nkene oyo ayihe tayi lalakanene ohoole. Ihe ohoole kayi shi owala oshilalakanenwa shompango, oyo wo ekota lyompango. Kalunga okwe tu hololele ohoole ye yoku tu hoola. Ohoole ye ndjoka otayi pendutha wo mutse ehala ewanawa, tu kale noku mu tila noku mu hoola komeho ga shaa shoka, tse tu mu longele nenyanyu. Otse ngele tu mu hoole ngaaka, otu hoole wo edhina lye eyapuki noohapu dhe oondjapuki. Opo tuu mpoka pe negwanitho lyoshipango oshitiyaali nolya shoka oshititatu. Ishewe ngoka e hoole Kalunga, oye e hoole wo omagano ngoka oye e ge tu pe, ngashi tangotango oye e hoole aakuluntu mboka e ya pewa ku Kalunga. Omuntu onakuhoola Kalunga e nokukala wo e hoole omuntu omukwawo, ye kee mu ningile uuwinayi wa sha, ngele wokolutu nenge wokomwenyo. Unene e nokuhoola omunandjokana naye ngoka e mu pewa ku Kalunga. Omuntu ngo-



EIMBILO LJEHANGANO 414

Ija lundululilua moshindonga ku A. K. Ripatti

*Inekel' omuenj' ehala ndjo  
oljomukuaci guoje, 'Omuaa ngo,  
Je ite ku eca.  
Nand' uusik' uuluude nau je,  
'Silohenda lje ku guanens,  
ue li mono naale.  
'Cimbo lje li teelela,  
omahodi te ga cete po,  
'cimbo ngee lja ciki.*

S. V. K 356.

ka e hoole mukwawo, ite mu ningile uuwinayi nando wa sha, aawe, oye ota lalakanene aluhe uuwanawa wa mukwawo. Ote mu kwatha, ye ita tegelele ofuto ya sha. Ote mu yakula, ye ita tegelele epandulo lya sha. Ote mu pe omagano, ye ita tegelele, a galulilwe sha. Oshoka ohoole itayi kongo shayo yene. Oyi li ngashi Kalunga ha kala, ongoka ta piithile aawinayi naawanawa etango lye nota lokithile aayuuki naakolokoshi omvula.

Ohoole oyo egwanitho lyompango. Komushigakano gwoku Golgata otatu mono ohoole onene yi vule ayihe. Oko Yesu i igandja omolwetu. Oko a gwanitha ompango ayihe peha lyetu. Ihe oye ine yi tu gwanithila, tu kale nantango muukolokoshi wetu. Oye a hala, tu kale tu hoolathane, ngashi a kala e tu hoole. Ohoole oyo endhindhiliko

lyomulongwa gwa Yesu, ndyoka tu noku li tala komeho gomandhindhiliko agehe omakwawo.

Omukriste ngoka ha pangelwa natango kondjahi nenge kuuntsa nenge kefupa nenge kolwiho, oye kee shi omukriste gwa shili, nando na kale e nedhina li thike peni. Ondjahi nuuntsa nefupa nolwiho, oyo ayihe oyi nondumbo nohoole. Kombinga onkwawo ishewe, shaa omuntu ta holola ohoole ya Kristus mokukala kwe nomiilonga ye, mu simaneka shili, nando na kale a dhinwa ngiini kaantu. Kristus okwa mono olupe muye. Okoonkondo dha Kristus momuntu ngoka omwa holoka egwanitho lyompango.

Ondjahi nuuntsa nefupa nolwiho nuulunde kehe otaw eta etopoko. Etopoko ndyoka otali holoka pokati komuntu na Kalunga, notali holoka wo pokati kaantu naantu. Ohoole ayike otayi manga kumwe. Moku tu hoola sigo komushigakano Yesu okwe tu hanganitha na Kalunga. Ohoole ye ngele tayi holoka mutse, otayi tu etele wo, ombili nooyakwetu. Ekwatathano lya tya ngaaka lyomohoole olya pumbiwa noonkondo muuyuni wongashingeyi.


Aamati oyendji oye hoole omiya dho oopala, yi imange nadho mombunda. Ngashingeyi otadhi monika nommaakadhona. Olye a hala, a pewe epaya lyegwaneneno? Olyo Kalunga te li pe omuntu omagano. Olyo ohoole yomohoole ye, ohoole yokuhoola Kalunga noyokuhoolathana. Li zala, opo u yooloke mu ayehe mboka taa ka kana. Li zala, opo u dhimbululwe kaantu noku Kalunga, ongoye omuthigululi gwomwenyo gwaaluhe. Ino li zala mongerki amuke! Li zala esiku kehe miilonga yoye ayihe, opo u yi longe ayihe medhina lya Kalunga.

Ohoole nayi kale omuzalo gwoye omuyapuki omumvo nguka aguhe!

E.J.P.







Januarie 1957

## UUYAPUKI WOONDJOKANA.

Kalunga mwene a dhike oondjokana; onkee odho oondjapuki. Uuyapuki wadho ou nokuholoka mpaka, aantu sho taa kala mudho ye netilo eyapuki lyokutula Kalunga nohoole oondjapuki yoku mu hoola. Uuyapuki wadho ou nokuholoka wo mpoka, aantu sho itaye dhi ipe, ihe otaye dhi indile ku Kalunga megalikano notaye dhi pewa kaahokanithi mboka ya tulwa po, ya hokanithe aantu. Uuyapuki woondjokana ou nokuholoka wo mpoka, oondjokana sho kadhi netopoko. Omaganohenda ge Kalunga ihe ga galula: ngele a pe omuntu oondjokana okwe dhi mu pe, a kale shili mudho.

Uuyapuki mbuka woondjokana aantu oyendji yomOwambo inaye u dhimbulula nawa, nando wa popiwa kaalongihapu ayehe omathimbo omale nokuli. Aashuni oya hala okushuna komikalo ndhoka dhoshipagani dha li inaadhi yapulwa ku Kalunga dho kadhi neyambeko lye. Oyendji kaye na shoka taye shi landula; otaa hingwa owala kuuhalu wawo. Onkee otaa endebele okuipa oondjokana ndhoka kadhi shi oondjokana dha shili, nongelege ya yi mo, otaa zi mo wo ngeyi pamakamba gawo yene. Elandulathano alihe olye ekelwahi. Uudhiginini kau po we. Aantu oyendji kaye shi we aantu moshinima shoka; oya foshigunda shiikombo nenge shiimuna yilwe.

Evundakano ndika olya nenepekwa natango, aantu aasama sho ya tameke okuyoolola pokati koondjokana dhopakriste na ndhoka dhopaveta. Oondjokana dhopaveta kadhi shi dhopakriste nani? Aapangeli yetu inatu ya pewa nani ku Kalunga? Oye tuu okwe ye tu pe. Oye tuu a hala, miilongo ayihe mu kale elandulathano miinima ayihe, ihe unene mu mbika yoondjokana. Onkee ano oye okwa pe aauvithi oonkondo dhoohapu dhe oondjapuki, naapangeli okwe ya pe oonkondo dhooaveta. Oshilalakanenwa shawo ayehe oshi li po shimwe ashike: ehala lya Kalunga li gwanithwe.

Onkee ano ongoka ta yi komupangeli, a hokanithwe kuye, naye wo ota pewa oondjokana oondjapuki. Ngele i itula mudho e nomakoto ga sha momwenyo gwe, Kalunga omuyuuki ite mu etha ine mu geela. Ngele ishe-

we i itula mudho nomwenyo gu uuka note dhi kongele eyambeko lyoohapu dha Kalunga megongalo lye, Omuwa ote mu yambeke shili.

Epangelo lyetu olye tu longo nokuli uuyapuki woondjokana, sho lya li inali pa nando omuntu emangululo moondjokana ndhoka dhopaveta. Elongo ndyoka olye etele aantu yamwe uudhigu owindji, ihe otwe li pumbwa shili. Ngashingeyi otapu ya aniwa elunduluko lya sha. Inatu tseya natango nawa, epangelo shoka lye shi tu longekidhile ngashingeyi; ihe otu netegelelo ndyoka, epangelo li kale natango omugameni gwoondjokana nomutonateli guuyapuki wadho. Ando epangelo li uuvathane nawa noongerki adhihe, nkene li nokuputudha mboka taa hala okunyengwa moondjokana dhawo. Ando li kambadhale aluhe tango oku ya kolekela moondjokana dhawo, haku ya mangulula akuke. Ando li kondjele uuyapuki woondjokana.

Otu shi shi, nkoka uuyapuki woondjokana tau shundulwa kaantu, oko ku nokuholoka eshunduko lyoshigwana ashihe. Oshigwana shaahengathani kashi naaputudhi yu uuvathana; onkee eputudho alihe kali noonkondo. Oshigwana shaateyi yoondjokana otashi iteya, sigo oshi nokutekelela shili. KUushimba eyonuko ndyoka oli wetike nokuli puuelele. Omwa hala, li monike wo muka mOwambo?

Kehe ngoka u nehala lyokukondjela oshigwana shaawambo, kondjela tangotango omagumbo gasho!

Kehe ngoka wa halele oshigwana shaandjeni eputuko, shi halela tangotango oondjokana dhi nombili nohoole nuudhiginini!

Kehe ngoka wa tila okuishundula, kotoka wo, waa shundule uuyapuki woondjokana.

## ONGERKI YOKOSHA KATI YA PI PO.

Esiku eti 15 lya Desember 1956 egongalo lyokOshakati olya aadhika koshiponga oshidhigu. Oskola yalyo ndjoka ya longithwa wo manga peha lyongerki oya hwa-mekwa kolwaadhi. Aantu oyendji aniwa inaa uva sha, yo inaa mona sha. Aashona mboka ya thiki kokuma nkoka, oya nyengwa okuhupitha ongulu; onkee oya pi po.

Oongerki yokOshakati yo yene oyi nokutungwa kOnaanda, opo yi kale pokati megongalo. Ihe kOshakati wo oku nokutungwa oskola yuunona. Kalunga na koleke egongalo ndyoka eshona, opo lyaa nyengwe kiilonga yalyo. Aakriste ayehe oye nompito yokuholola uukumwe wawo esiku eti 17 lya Februarie, moongerki adhihe sho tamu ningwa ongalo yokukwatha aashakati moluhopo lwawo.

## OONKUNDANA DHEPANGELO- NGERKI.

dhesiku eti 3 lja Januari 1957.

Oshigongi sha tseyithilwa kutja omuwilikitumi O. Vuorela, ngoka a tegelelwa a talele po ongerki yetu nuumvo, 1957, keena ompito oku tu talele po manga. Onke epangelongerki otali halele omuwilikitumi a mone ompito okuya kOuambo omumvo tagu ya, 1958.

Oshigongi sha tseyithilwa wo uunjengwi womusamane Saarinen okuya nuumvo. Onke ano epangelongerki otali indile epangelotumo li kongele omusamane A. Hukka ekwatho lja gwana moskola yaasita, opo a wape okutsikila iilonga ye yuutonatelishitayingerki.

Epangelongerki lya tokola esiku ljoshipe nuumvo li ka ningwe eti-26.5.57, opo omaandaha ngoka eti-10.6.57 li kale esiku lyiilonga no lyoskola, kali shi we lyomambo.

Epangelongerki lya tokola oongalo domomalongelokalunga nuumvo 1957 di longithwe ngeyi:-

Ongalo ya Epifania moshiketha shetumo shongerki ayihe.

Ongalo yesiku lyocsa dhOmukulili moshiketha shoohepele.

Ongalo yesiku lyotango lyeyumuko omekwatho lyoskola yaasitalongwa.

Ongalo yesiku etiyaali lyeyumuko omoshiketha shopokati shongerki ayihe.

Ongalo yoshipe (26 Mei) omoshiketha shegongalo.

Ongalo yesiku lyelondo omoshiketha shetumo shongerki ayihe.

Ongalo yesiku lyetililo lyOmbepo Ondyapuki omekwatho lyoskola yaayakulimegongalo.

Ongalo yesiku lyetumo moshiketha shetumo shoshitayingerki.

Ongalo yOkrismesa no yetiyaali lyOkrismesa nadhi ye moshiketha shoohepele.

Ongalo yesiku lyomumvo omupe omoshiketha shegongalo.

Ongalo yosondaha yotango yomuethi kehe okuza mu Februari nayi ye moshiketha shopokati shongerki ayihe. Ya Januari ayike itayi yi ko.

Ongalo yosondaha ontiyaali ya Januari, Maart, Mei, Julie, September, November dhi ye moshiketha shetumo shoshitayingerki.

Ongalo yosondaha ontiyaali ya Februari, April, Augustus, Oktober na Desember nadhi ye moshiketha shoohepele.

Oongalo dhoosondaha dha hupu nadhi longithwe patokolo lyelelogongalo nomutonatelishitayingerki, ngele epangelongerki inali dhimbulula oompumbwe dhongerki ayihe.

Oongalo adhihe dhoka itadhi yi moshiketha shegongalo omusita ne dhi tume komutonatelishitayingerki e ke dhi thikithe kaadhiginini yimaliwa yongerki.

Omoluoshiponga shosinagoga yokOshakati ya pi kolwadhi eti-15.12.56, epangelongerki otali uutha ongalo yeti-17/2.57 yi ka kwathe egongalo ndyoka moluhopo lwalyo.

Oskola yaasitagongalo otayi tameke



# O K A A N D J E T U

## OSHOONGALELE SHOVALONGI OVALUMENU MENGELA.

Oshiongalele eshi osha osha tameka mefiku 20/11/56. Osha ninga omafiku 8. Mohungi jetameko otua popifua momalaka maua unene, amue omuuo va ti: Tu jeni ku Betlehem na Jesus omufilisiso uetu nge he tu palufa nomungome uokomuenjo na Jesus kondudu jejelifo pamue novahongua. Meendjovo edi otua mona ne efina loshiongalele shetu tu lotokele ku Jesus.

Otundi jotete mefiku la landula otua lombuelua kutja omuñu okua shitua efano la Kalunga naje omupopepi na Kalunga komeso joishitua aische. Okua shitilua jo ouhamba ua Kalunga. Okua peua jo eendunge nomajele nokupopja, nokaana komomuenjo, aische ei ojo ne ja joolola omuñu noishitua ikua. Omuñu a shitua a longele Kalunga noku hololole efimano laje moimima aische. Hano otua ulikilua jo nge omuñu a ja Kalunga onapo ndele a ja poñele jomuna. Omolu oulunde uomuñu edu la fingua. Oilonga jomuñu jopaiife ihapu otai holola kutja oje okua ja kokule na Kalunga, ke shi vali okuhambelela nokuilikana ku Kalunga omushiti uomuñu. Jesus okue tu kulila tu shune mekuatafano na Kalunga. Tala eshi ua shitilua ku Kalunga tete.

Motundi ikua otua hololelua eifano la Kalunga. Oshinima shotete Kalunga okua shiiva keshe omuñu apa e li. Efiku keshe ota ifana ta kongo omuñu a alukile kuje. Tala ohole ja Kalunga omushiti uetu apa i fike.

Motundi imue otua uda jo epapuduko nge la tja. Nokutja epapuduko kali fi okudiladila oinima joikuauulu ile ehumokomeso

kuElim eti-1/2'57. Otayi taamba aalongwa mbaka:-

Kleopas Dumeni (Ombalantu),  
Josia Mateus (Endola),  
Gerhard Moses (Endola),  
Stefanus Mvula (Ontananga),  
Natanael Sirono (Lupala),  
Jakob yAaron (Ongenga),  
Jason Haufiku (Endola),  
Filippus limene (Okaku),  
Johannes Kashakumua (Eñana),  
Johannes yaSakeus (Olukonda).

Epangelongerki lya tokola omusitagongalo Timoteus yAndreas a yakule moskola yuusitagongalo.

Etokolo lyoshigongigongalo lyokuElim sheti-4/11'56 lye etwa komutonatelishitayingerki, egongalo lyokOgongo li dhikwa, olya kolekwa kepangelongerki. Okukala kwegongalo ndika epe taku talwa kwa tameke esiku lyotango lya Januari 1957. - Oongamba dhegongalo lyOgongo ondhika: Kuumbugantu Oshakati, sigo opOshuuli mpoka tayi gameke Mika ylipinge kOgongo. Nopo tayi uuka uumbangalantu okupitila mokadhiya muUuluga, mu Nakandyinda, mOshangu, muNamuuuya sigo omolukango lwEndyala mu Niiyulo, na Johannes Nashima okuElim. Okuza mpoka otayi lambalala Ompandakani sigo okathima klininga no muumbangalantu-ninginino Okalongo, lwo-muuninginino Ombalantu no muuninginino- mbugantu Ongandyela. - Naftali Amadhila ta kala omusitagongalo lyokOgongo.

leshikulafano loinima jopangerki. Epapuduko olo omuñu eshi te lidimbulukua kutja oje omulunde koshipala sha Kalunga nomatimba aje oku ashi komadina no itaa holeke vali koshipala sha Kalunga. Ou ina papuduka omatimba aje ka e na madina no ta handuka ngenge ta pukululua. Ou a papuduka okua hala alushe oku kala koshi jefiloñgenda la Kalunga. Hano tu dimbulukueni kutja Kalunga ota hupifa ou a dimbululukua oulunde uaje note u hepaununa. Ohonde ja Jesus tai tu koshola.

Ovanu va Kalunga otava pumbua nova peua oshipango shejakulafano. Kalunga a hala tu filafane oshisho moimima jokolutu nojokomuenjo. Jakua nohole inai dja mu ove muene nde nai dje mu Kalunga. Ejakulo lomu Kalunga ohatu li mono ngenge tua tambula eifano la Kalunga kokutja tue li dilulula no tua alukila ku Kalunga, Kalunga oje ote tu pe osinima eshi shinene kokutja ejukipalifo. Ejukipalifo eli Kalunga ote li tu jukipalifa moluefiloñgenda la Jesus Kristus. Hano fje ohatu jukipalifua keitavelo. Keitavelo ohatu jukipalifua mekuatafano mu Jesus Kristus. Omulunde ta koshua ku Jesus nohonde jaje no muje ta mu holoka okukala kupe. Omuñu mupe ina fafana nande nomuñu omukulu nande omoshinima shimue. Omuñu mukulu ohelinjonopo nokua fafana nounjuni ou. Omuñu mupe oje ota djulukua Kalunga efimbo alishe. Otu na okukondja omuñu mupe a kale a kula mufje shaashi omuñu mukulu oha jelekele oku mu finda.

Tua hololelua jo kutja oikoluifa ojo oudijo tau li po oshiuana. Oikoluifa oja monika jo nale nokovapaani kutja ojo oshiponga. Ovapaani va indika ounona novakainu va ha nue oikoluifa va amena oshiuana. Oikoluifa otai njono po omuñu. Oikoluifa otai hapupalifa omaudu. Otai etele oshilongo oluhepo leendunge no loipaluifa. Nena oikoluifa tai indikua meendjova da Kalunga. Vamue tava ti omalodu ka e na oudijo. Hano omalodu oo kaume koualende. Tete oto tameke okunua omalodu nokomesho oto nu jo oualende. Oikoluifa oja fja enota lomeva nolomaadi. Efa oikoluifa u amene olutu loje komandu nokeutamo lii nokeñamanana nokenjonauko. Otua lesa jo meendjovo da Kalunga kutja; eeñgolue itadi fjuulula oshilongo sha Kalunga. Tu lieteleni oñgenda fje vene tu ha je menjonauko eli. Tu fileni oñgenda oshiuana shetu, shi ha je menjonauko. Vanjasha nje, amushe na ava mu li moushimba lungameni oshiponga shoikoluifa osheshi otai mu etele eshunduko noluhepo lokolutu. Onje ovanashilonga mepja lOmuene, kondjifeni oikoluifa ngashi mua ulikilua kOmuene Jesus.

Tua longua jo Mepo Omujapuki. Tala omutima uomuñu ou na okujadifua na Mepo Omujapuki. Ngenge ha sho tala mokambo komutima. Tala oshilonga sha Mepo Omujapuki mu Kategismus. Inatu njikifeni Mepo Omujapuki outije. Mat. 12:32.

Tua longua jo tu ha njone ku Kristus ndelene tu pangalue kohole. Tua dimbulukifua jo eujo lOmuene Jesus nongaashi ofje atushe tue li teelela.

Ohombo jopakriste ojo oijapuki kai shi okunjonua Ojo oja dikua ku Kalunga muene. Vahapu va njona ohombo javo noilonga jomulaulu. Omuñu oku na okukala omukoshoki mokukala kuaje akushe. Tala tu

omutondi uokoshoki 1 Kor. 5:1-8. Opa etua jo ovanjasha vetu nge tava puile alushe menjonauko loluhaelo. Hano omuhaeli nomuhaelua ovo otava njonauna omalutu avo no tave li tula momikalo dii tadi handukiku Kalunga. Kondjifa jo oluhaelo.

Opa etua jo oluhepo lovanjasha vetu omolu elongo la pumba. Hano ovalongi vahapu ove li tula jo moshisho va kuafele ovanjasha vedu letu. Kalunga ngenge e shi hala momudo ou ohatu ka mona ovauiliki vovanjasha, peeñele di lili nodi lili.

Otua ningilua jo eehungi diua unene. Tua tala jo mokino eshi sha tja koilonga nomedu letu. Heeno, ofje otua longua shihapu moshiongalele eshi ndele otua hambelela Omuene Jesus. Tua li tua hafela jo emonafano pamue novalongi vakueta va dja koilongo jomOuambo.

Ovauiliki vetu hatu va halele enangekonoupuna ovo ngaha, tatekulu B. Eriksson na E. Hynönen na J. Marttunen na Mee-kulu Lindström. Ovafita vavali ve tu udifila jo shihapu. Oshiongalele sha hula nombili ngaashi sha tameka, tua ja hatu hambelele Kalunga nOmuene Jesus molu aische tua li tue i ningilua.

Omunjoleli uoshiongalele  
Kornelius Ndjoba.

## UZERA UEVANGELI.

Meti 20 Des. 1956 mOnguediva muna pongo sigongi songundumbibeli, zovakurukadi novakadidinkantu.

Mutumua gumue murongi go Seminaari mej. R. Voipio ana tu zakura naua. Nosipara sendi kua kere sina zura ehafo nohore, zokuhafera vazingidua vendi.

Sigongi setu sina vareke nekanderero. Konjima zekanderero kuna sikura esanseko ljevokadona ljononkango deimbiro 13 lja tjangua kua Luther. Momaraka gatatu mosisooni, mosindovesi no mosiuambo. Eimbiro eli tali tu sansekere, efumano nounene uomukeke Jesus. Nouzera uevangeli, mujevavangeli Johannes ta si sanseke naua. Joh. 1: 29-39, 3: 35-36.

Kuna kuama esanseko ljovanona lina tu zuvisire, noku tu divisira sirungana somunona Jesus. Omu sina reta mbiri nouzera. Navenje ovo vana mu tumbura nonomutjima dina zere.

Hompa Muzouoli ta tanta asi: „Kutupu ugu ta zi pua tate, ntene kapi ta pitire mumuange.” Eeno ame tani si diva asi: Hompa guetu moshigongi esi sovakadi vOnguediva imo momo ana mona mpito kurongikidira monomitjima dovantu Kris-mesa zombiri.

Eeno munuamali ntantani hamberera Karunga koge asi: Jaroo Hompa ove gamunenene uafumana eji ono tu tumine epuru mukeke Jesus Joh. 3:16.

Muresi nomukonakoni gonzira ze paru, ove ngapi nje omu ono dana Krismesa zoge? Mukeke Jesus ono mu mono mo tupu membo ljoge nomomutjima goge? Eeno, munuamali meguanekero, ove ntene kapi ono mu mono mo mebmoo ljoge nomomutjima goge ntantani simue selike tasi ku kua-sa kusiga nokurekera ojo taji ku silike kumona Hompa goge. Jesus ige uzera, ngatadi tsikilua kep. 8



# SHITLANGU.

omuna guokombanda

Lja njolua  
ku  
Andre de Clerc  
na  
Edoardo Mondlane

Lja lunduhulua  
ku  
Hosea Namupala,

Etsikilo.

Moka inatu kala mo ecimbo ele.

- Aamat' aakueta, otua siikiluenu kotsi nokomazigude. Tu jeni ketale. Ihe tango tu hogololeni uumati ujali u kale momucija tau tonatele iikulja niimuna. Omuti nguka omule gue ja guanene okumona ehene alihe. -

Osho oshilonga sha Shizilo okutaamba iinima jetu. Okue egamene pekota ljomuti a cicikile nokua tege sigo iimbamba ajihe ja tulua momaako ge. Hugunina okua tonata eta ti:

- Omua tula naua iinima jeni. Otandi mono ko ngiini momapijagano ga tja ngeji. -

Mutetu okua tsikile okucicikila nokumuena nokunikuulumentu. Nanzija iimbamba jetu oja hukulua na ooforomana ajeke ja tameke oku ji guma.

- Onkundenona ndjino jo ola, olje e ji eta? -

Okamati kamue okajedi kokashendjelutu oka jamukula: - Ogame. -

- Omoluashike ue eta iijolele mbjono? -

- Meme okua li a kolua ongulohi. Ina teleka, tse nuumuaameme otua sondjala nokuli. Onkundenona ndjika onde ji ada mombiga ohela sho nda zi kuusita. Onda kambadala ihe oku ji jenjeka opo jaa he. -

Oohapu dika ode etele ndje omukici. Omumati omukueta okua kala muudigu ngiini. Nani tashi ti, ohela sho tua kala muudigu ngeja, muupju nomevundakano, okamati hoka nando ka ciki megumbo kaka li ke na sha, okutula mokana, na isheue oka li ke na okulongekida kene onguta jako jokulja kuusita. Ondu uvite ihe uudigu uomahodi ngoka taga zija koompadi dokamati.

- Ua mana kulila, shina shembungu (shumulodi) ngueje? Njoko oje embungu (omulodi) ljouala, oshi ikoleke nokulja aantu. Muka muusita oto imonene ofuto juuhasha ua njoko. Ihe kotoka mumati! Ino diladila oto ka eta iihuna nga mbi, u uvuko? -

Kombinga jandje okuo opala. Onde eta mbjoka iuanaua. Ano foromana sho a tula eulu lje moshimbamba shandje, oshipala she osha adima.

- Ojo aalumentu tua hala mba. -

Jakueta oja pula: - Ongoje Majeriman? - Majeriman oku ulike ndje.

- Omumati oje ngoka i ilongo mbala oompango da Njaurongole!-

Opuu tokolua tu nokuja manga momeja tu ka dane uudano ulue, oninkua (ongandu, onkololo). Okapepo okatalala naua komomeja oke tu pe oonkondo oompe. Ihe ecimbo alihe onda kala nokutala luopokati ketale nomeho ga kotoka, onkoka haku kocele ondjambameja.

Esiku ljonena oshiponga otashi zi palue. Ombepo jokuumbangalantu oja pepele elundu nomufudo guajo omupju. Iinamuenjo ajihe otaji ihutu mumue: Shaa shoka sbi nomuenjo otashi pilamene okambija nokongomaholameno. Osho hapa ningua aluhe pecimbo ljetameko ljiilonga, aakijintu ohaa fike iijagaja momapja notapa holoka epeja. Ano okambija nkoka oke na oluici.

Uuehame uondjala oue tu shunica koontuni. Shizilo na foromana omushona oja topola. Tse otui igandja ku shoka tua peua. Shoka ngame nda peua oshi vulike kokule ku shoka nde shi eta. Ihe nando ongeji inandi tumbulua ngashi ohela.

- Omulilo gua ada elundu ndi. Ogue ja, - gumue guomutse osho i igida je ta tala ko nomeho taga minikile

Oena tatu li onjama. Tu ka tideni oombuku. - foromana osho a ti.

Otua nina oohuto dahugunina, tua kuca iiti mbjoka tua li tatu danica okangoolololo notua ji. Omulilo ogua li tagu endebele. Ogua li nomalaka omadigu nolucici, nomokuihanena elundu ogu na oshikololo ongomuedi opo tagu ja nogua hala oku tu kondeka. Nokuli kuuzilo otu uvite iiguanga iitalala nkene taji topa kuupju. Ano otatu vulu oku ka tida. Shaa shoka sha li sha holama momuidi nomomangande otashi zi mo notashi matuka noenkondo omajoka, oondje, oombuku, oondjele, ookakoko niinima jilue. Elago enene komusita. Neigido enene otua nukile iinima mbika notatu dipaga niiti, ihe oombuku adihe tatu kuca po.

- Ngoje oua mono ngapi? -

- Ngoje uo? - osho aasita ja pulacana.

Majeriman okua ti: - Otatu ke di joceni komakala. O, esiku euanaua shili. -

Ano manga tua puile mo, komuti okua zi eui: - Iimuna, iimuna. -

Otua lengalenga ngomuntu gumue. Iimuna uo otaji hingua kepeja, notaji uka luoketale. Uupjakadi, oombuku itadi tidua ue. Aasita oja tala ouala foromana guauo Hosan. Oje nokue ja lombuele:

Ukeni hui, amuhe, niiti jeni. Otua matuka tue mu landula nkoka u uka luokomanenge. Piimuna otua ciki po manga ongombe dotango tadi ljata omeja. Nopuaa na omaipulo, atuhe otua tameke okugalula iimuna. Iimuna oja li ja pijagana notaji injengica omaulu, ooniga nomishila. Tse otua tokola tu ji ukice kuuzilo tu pite pokati ketale nomulilo. Opuu li eujagano enene. Mokuganda, mokuhika uumuulua nomefungafungo ljiiti nokudenga kooniga, nomelilaganano ljiimuna jo jene osho tua humu ko. Hugunina iimuna oja vulika noju uka nkoka tue ji halela. Opuu li shili uudigu. Ombepo joluici luepeja, euagalo ljiinima mbi taji pi noohandje, odi li putse nokuli. Otua tokola

tu dingoloke ondungu jetale tu ze mo niimuna. jetu tu je kuujelele kuaa na oshiponga.

## EKAPITELI 14.

Omakunde omapju.

Okupua po komacimbo oko uo okugaluka komumuameme omukulantu Tiago Magulan.

Okua kala oomvula dimue ta longo mu Johannesburg moomina doshingoli. Okua galuka a lunduluka unene, a ninga onkolui nomukeenakonasha. Ota popi elaka lju uda iitja joshikuiilongo. Oonkalelo doshilando ode mu ningi omulumentu i ili. Okua kambula oonkalelo nomadiladilo gandje nonda kuatua kuumbanda nokonkumue.

Okua lombuele ndje okukala kue ku Lourenso Marques nkene a li omulongi pomatulilo gooskepa. Oje a li omunankondo pomatulilo. Ecimbo ndjoka okua li a tseja omudengingonjo gumue edina lje Gaza. Gaza nguka okua li omuuliki guongundu. Ha uulike aamati aalude muungundu uokujaka nouokudenga aantu jomoshilando. Omikalo dokangundu nkoka oda li da hokiuu ku Tiago.

Ihe epangelo olja tokola nolja kuata ongundu ndjika noku ji edilila mondolongo. Aanankondo ja jakuauo oja tulua miita noja falua omajuvi nomajuvi kokule kuumbangalantu uoshilongo. Tiago okua kala nkoka oomvula ntano nokua galukile a najipala unene e vule ngashi a jile.

Konima jokufuda oomuedi dimue pegumbo okua li ihe a uka koomina.

Nongashingeji okua galuka.

Kandi na nokuli oohapu da guana okufatula omikalo domulumentu ngujaka doka a likola mokukala kue nkujaka, notue di holele sho a kala puushinda uetu oomvula ntano.

Otandi vulu okutumbula mpaka pafupi kutja omumuameme Tiago Magulan okua li a longica oonkondo de opo a kaleke ndje kokule nombepo jUukriste. Sho a didilike kutja ondi li po nda hokua okulesha nokunjola, okua lombuele ndje ndi je moskola jepangelo, moka ihaamu longua oohapu da Kalunga. Okua li po omuniineja nokua tameke nuupenda. Okua ti:

- Ngele oto ji moskola jaahongi, ku na mpoka to ka tseja elaka ljaatiligane, Oshiputu. -

Omakumagido ngaka oga kuata ndje. Ecimbo ndijaka oskola jaahongi jomoshilongo shetu oja li taji longo Uukriste nokulesha melaka ljetu Oshitsonga.

Onde eca po omulongi guandje guoskola jesoondaha, nde mu lombuele kutja otandi zi po uule uoshivike shimue.

- Kehe osoondaha otandi ku tegelele melongelo ljaanona. -

Osho a jamukula.

Tadi tsikilua



## OUNJUNI TAU TONGO SHIKE

Ondjuuo jokulimuenenena kevakuluŋu oshilongo sha Verenigde state van Amerika.

Mongulu jovakuluŋu voshilongo ei i li mu Washington omu na paife ondjuuo jeilikano, ovakuluŋu voshilongo opo va kale ve nomito iua okukala meilikano nomelimumeneneno koshipala sha Kalunga.

Ovakuluŋu voshilongo osho va fa va koneka kutja etilokalunga olo efina lounongo, na unene ovo ve noshisho shoshuana tava pumbua okupeua ondunge neefono ku Kalunga.

„Ongerki tai joo.”

Ovajuli veeshi ovaholland tava ka mona paife ongerki javo vene. Oskepa omu mu nongerki noshihakulilo shavo ja lukua „De Hoop” (Eteelelo), Moshihakulilo omu neembete 10 dovanaudu nomongerki tamu uana ovaŋu 50.

Moskepa ei omu nomufitaongalo nomudoktora uovanaudu.

Osho ngaha ohole jovakriste tai kongo omito okujakula ovaŋu va Kalunga aveshe.

Ombibeli mu Siam.

Ouduali mu Siam (oshilongo shi li mu Asia) omua landifua Eembibeli di li po di fike 281,088.

Eendjovo da Kalunga da halika notadi tandavele.

Ovakriste vomoshilongo sha Israel.

Mu November 1956 omujuda umue omufimanekua omudoktora edina laje Chaim Wardi okua ile ku Soomi nokua hokolola kutja oveta joshilongo shovaisrael otai pitikile omuŋu keshe a diaine eitavelo laje. Omukriste jo oku na hano epitikilo olo.

Mu Israel omu na paife ovakriste ve fike 44,000. Vahapu vomuvo ovo ovaarabia.

Omudoktora Wardi okua kala mu Israel eedula 37. Nande je omujuda, (okutja e li moujuda, ina ninga omukriste) okua ningi omukuluŋu nomuhololi uoshifo sheefundana doukriste mu Israel („Christian News from Israel”).

Eshi a li mu Soomi okua tonga ta ti, ovakriste novajuda ve he na ashike omukana umue mEtestamenti Likulu, ndelene ove neteelelo limue. Aveshe tava teelee Messias. Omujuda te mu teelee e uje. Omukriste te mu teelee e uje. lutivali.

Okua ti jo, paife oku nomadidiliko oo hatu dulu oku a tala omadidiliko eujo la Messias.

Oshilonga shetumo mu Uniona.

Mu Uniona mua dja eefundana diua, kutja oku novafitaongalo vahapu novanjasha vahapu, ava tave lihongo meeskola dokombada, va hala okulijandjela oshilonga shetumo.

Omuene na pandulue eshi ta pendufile ngaha oshilonga shaje ovalongi.

Ongerki onguakatoli jopagre-

ka tai penduka okulonga oshilonga shetumo.

Ongerki onguakatoli jopagreka inai diinina unene oshilonga shetumo moilongo jovapaani. Paife mu Amerika omua totua ehanganotumo longerki ojo la lukua „Ehanganotumo lOmushiakano Omujapuki.” Ehanganotumo eli lipe otali ka longa mu Afrika nomu Asia.

Ehanganotumo la hovela nokuli okuongetelela oshilonga shetumo oimaliua, osho tashi ka longua mu Korea nokeeŋuŋu da Filipine nomu Uganda.

Mu Nebal mua totua oveta tai kelele oshilonga shetumo.

Mu Asia moushiinda ua India omu oshilongo sha Nebal. Moshilongo osho omu novaŋu ve fike peemiljona hejali (7,000,000). Ndelene ovo ovapaani natango, osheshi oshilongo sha Nebal osha kala sha anja oshilonga shoukriste, manga omatumo a longa moilongo ikuao jomu Asia, ngashi mu India osho nosho.

Ndelene okudja 1952 omatumo amue a mona ngaa omito okutuma ko ovatumua vavo, osheshi ovanebal vahapu va hokua oukriste.

Ovakuluŋu voshilongo va tota paife oveta tai kelele oshilonga shetumo. Ovahongi inava indikua okukala moshilongo ndelene va indikua okulidilulifa ovaŋu va ninge ovakriste. Omuhongi keshe omunailongo te lidilulifa omuŋu omukuashilongo ota teua mo moshilongo. Omunebal ou ta ningi omukriste ota tulua mundolongo.

„Uoo, ovo tava ti; Ouui ouua, nouua ouui, notava pilike omilaulu oujelele, noujelele omilaulu.” Jes. 5:20.

Nale eengerki 460, paife eengerki 11 adike.

Moshilando sha Moskou, oshilando shelelo ledu lovarusia omua li mu neengerki di fike 460, ovakommuniste fimbo inava ninga ovapangeli voshilongo, ndele paife moshilando osho shinene omu na ashike eengerki 11 omo hamu ningua omalongelokalunga.

Nande ongaha otu shi shi hauhuunina Kristus Oje Omufindani!

### EHUMO KOMESHO LOVANJASHA.

Uukumue ua uana ohetu u hange peni? Ovanjasha voshiongalele ova kundafana moshiongalele shauo, nke ve nokukala kumue, no nke ve nokukuafa eongalo lavo. Ova mona kutja oukumue paife ua fa ua pumba movantu, nohole kai mo, ei tai tungu oukumue uashili.

Vahapu va holola ediladilo lavo nkene ve uditile vakuauo onkenda inene; unene ava inava hala okumue tuu ou. Tua dimbulula kutja nani itashi dulika pu kale oukumue uashili ngenge ovantu inave lijanja komuene uoukumue oje Jesus Kristus.

Ovanjasha ova diladila jo oluhepo olo lu li meongalo lavo nke ve noku li kondjifa noku li finda: Omunjasha umue okua ti: „Ediladilo eli onaua ngenge tali didilikua lo li shivifilue omunjasha keshe ha

### ELONGELOKALUNGA EPE.

“Oje nokua si peha ljaajehe, opo mboka je nomuenjo jaa ikalele ue jo jene, aue, onguka tuu e ja sile nokue ja jumukile. 2 Kor. 5:15.

Pokusa kua Jesus nopokujumuka kue iinima ajihe oja lunduluka. Elunduluko ndjoka enene otali vulu okujelekua neshito ljuujuni. Eshituluko ndika otali holoka uo mokukala kuomuntu. Omuntu omukulu oti ikalele je muene. Omuntu omupe ota kalele ngoka a si peha lje.

Elongelokalunga olja lunduluka uo ngeji. Omuntu omukulu oti ikalele nomelongelokalunga lje. Nando Kristus okua peua mo uo eha, onkene tuu omuntu omukulu ota kongo mo shoka she muene. Oje ota zaleke Jesus momizalo doshingoli nodomalapi ge nondilo, opo oje muene a uape okunjanjukilua eopalo ndjoka. Oje ote etele Kalungu omajambo, opo oje muene a peue mo sha. Ngashi omuntu omukulu oku hoole ukulu ue auhe, osho oje ota tindile uo melongelokalunga ndika lje ekulu.

MEtestamenti Epe otse otatu hokololelua elongelokalunga epe, inali fa ndika ekulu. Ondjoka epe inali kua telua komaha omajapuki. “Itamu galikana Tate kondundu ndjika, nenge mu Jerusalem.” Oljo inali kua telua uo koshiguana shimue sha hogololua. “Ongulu jandje ji nokuicanua ongulu jegalikano ojiiguana ajihe.” Otaku popiua “elongelokalunga lja jela no lja nonjata”. Elongelokalunga ndjoka aantu je li itotele, itali ziminua. Mehokololo ljepangulo lja hugunina omboka ja cikama kolomoho otaa pula, unake ojo inaa longela Omua. Ojo otaa jamukulua ashike: “Zii po pungame!”

Kristus okue tu pe oshipango shelongelokalunga epe, shokue tu longo okuhoolacana. Ongoka ta jakula oojakuauo oje ota longele Omua. “Jakulacaneni omitenge!” Oljo elongelokalunga ljetu epe.

ongala moshiongalele shovanjasha, naje uo a kale momadiladilo aa. Nkene omunjasha keshe e nokujakula eongalo lavo. Umue a tja: Natu longeni oilonga ilili no ilili nomake etu opo tu kuafe omaongalo etu; haku popja ashike. Mu Jes. 60: 1, otamu tiua: „ Fikama jela.”

Omuene na pendufe mufie elalakano eli tu lalakanene oukumue ou uashili, fie tu kale tua hangana; opo hatu dulu okutunga oshuana.

Omukueni,

Immanuel P. Shaamena.



# Oshikololo shaagundjuka.

## OMUKANKA - OMAKANKAMENO.

Omuwambo ngele a hala okudhika e-gumbo, tango ota fulu omukanka. Omo moka iiti nihiwal otayi dhikilwa mo. Omutiligane ngele a hala okutunga ongulu, naye wo ota fulu tango omukanka. Ihe momukanka moka ota tungile mo omamanya nosamenda. Iinima mbyoka otayi ningi omakankameno gongulu ye ayihe. Omakankameno ngele ga kola, nena ongulu ayihe ya kola. Omakankameno ngele taga siluka nenge taga tend'omisa, ongulu ayihe oyi nokukumuka.

Mombimbeli ngele tamu popiwa "omukanka", itaku dhiladhilwa pashiwambo, ihe omakankameno ngoka goshingolo, ogo tuu taga popiwa.

Osho omuyapostoli Paulus ota ti "Ong'omutungu gwoongulu onkulungu nda fulu omukanka." (1 Kor.3:10) Paulus ina hala okuitanga, ihe mokupopya omakankameno goshilonga she oye ina limbililwa nando kashona. "Kaku na ngoka ta vulu okudhika omukanka gulwe (nenge: okutunga omakankameno galwe), ogwo tuu nguka gwa dhikwa, ogwo Yesu Kristus." (1 Kor. 3:11) - "Ngele ku na ngoka te mu uuvithile evangeli lilwe, lya shi ndyoka mwe li taamba, oye na tulwe omutima." (Gal. 1:9) Euuvitho lyokuuvitha Kristus oyo omakankameno ga kola guukriste auhe. Mpoka tali monika, opwa tungwa shili nuunkulungu.

Okufula omukanka otaku fala omuntu muule. Oku nuudhigu notaku pula ethimbo. Mokutunga omakankameno omutungu ota vulu okuihepeka omasiku ogendji, ihe oshilonga she natango itashi monika kombanda yeve. Ihe shaa tuu omakankameno ga pu kutungwa, nena oku shi shi, ta vulu okutsikila ko omakuma ga kolelela. Ando okwa li a yanda uudhigu mboka wokutunga omakankameno, ando oshilonga she oshe endebelele ngaa, ihe inashi kola.

Eyele ndika otali tu yelithile wo okukala kwomukriste. Aakriste oyendji oya hala okuulukila mbala ooyakwawo okukoka kwawo, nando kaye nomakankameno ga kola. Ihe omukristelela oti ipula, ngele e nomakankameno ga kola. Oye e shi shi, e "nokutsama nokuitungila muye nokuikolelela meitaalo" (Kol. 2:7).

Ngoka a mono omakankameno ga kola, oye ota tungile ko kee nomalimbililo. Oye e shi shi, oshilonga she kashi shi osima (1 Kor. 15:58). Omukriste oku shi shi, okuikolelela kwe okwo okukolelela mu Kristus.

Omuyapostoli Paulus, omutungingulu onkulungu, okwa thiminikwa olwindji, a thige po omagongalo omape opo ga dhikwa. Oshilonga inashi pwa natango. Ihe Paulus ina limbililwa. Oye okwi inekela omakankameno, ngoka e ga tula po, nokwi inekela wo ngoka "e noonkondo oku mutunga" (Fil.20:32). Kalunga oye omutungu gwashili nomunankondo. Oje ota hogolola mboka taa tsikile oshilonga notaye shi tonatele.

Kalunga okwa longekidha omukriste kehe "okulonga oshilonga sheyakulo, okutunga olutu lwa Kristus" (Ef. 4:12). Nando wa pewa ngiika okambinga okashona kowala, ka dhiginina shili, Konakona oohapu dha Kalunga. Mudho omutungu omukuluntu

## DIGININA!

Omuseminari gumue a njolele okuume ke e li mokagumbo, ta ti ngeji: „Ongame onda njanjuka sho nda mono ompito ndjika ndi ku njolele. Ongoje ua njanjuda ndje sho ua tsejicile ndje kutja ua hala uo okuja moseminari, ngele ua piti mokagumbo. Kuume, onda hala oku ku lombuela iinima mbika u noku ji dimbulukua. Kala omudiginini miilonga joje ajihe u ji na, miileshua u ji na nomiilonga uo jiiikaha. Ino hepica ecimbo ndjoka u li na ngashingeji, oshoka oljo omagano ga Kalunga. Ndi shi menongelo ljeni tamu longua ngaa iilongua ojindji. Jimue jomujo ji nekuatacano nambika jomoseminari. Onkee tandi ti: Diginina shili iilonga ajihe, oshoka komeho otaji ku kuaca. Kala uo omuvuliki. Iinima mbika omuntu ite ji vulu muje muene, aue, ihe ekuaco tali zi kOmua. Okuje tu na okuindila onkondo, uudiginini noondunge.

Omua ne ku laleke nuujamba mu ajihe u noku ji longa omuvo nguka, ngoje u vule uo okutsikila.

Kalunga ne ku kolelele eicano ndika. Okuume koje omuseminari.

## IHANDI DIMBUA OOHAPU DA TATE.

Omuntu nando na kale a sa, edina lje ihali si. Ngame uo itandi dimbua tate nando oje a mana nokuli nale oondjenda; konjala pua piti omimvo omulongo. Oje okua li shili kuume kandje, oake nda hokua aluhe okukala puje. Ta hokololele ndje mahokololo ogendji omakulu taga njanjuda.

Esiku limue okua hokololele ndje sho ja li haa matuka iita. Okua li ku nomukuanilua gumue, shaa tuu a tumu aakuiita je ja ka denge oshilongo shontumba; sho tuu taa galuka ote ja pula mboka ja li taa kondjo shili naamboka ja li ja ningi oluaamba nomiti. Aakuiita ohaa dipagelua ongombe. Sho ja pu okujuja, onjama ohaji dingulua naua naua e tapu temua omulilo, e taji jocua ngiini? Ohaji diingilua koomaako gauo e taa joca nduno. Uupjakadi shili.

Natse uo jopomacimbo ngaka otu li uo ngaa miita. Otse otu li po aakuiita jOmua guetu Jesu Kristus. Ha miita ajike jonale mua li tamu monika aambanda ihe no miita mbika jOmua otamu monika uo aambanda. Jamue otaa tala nokuli okutumbula edina lje Omua montaneho jaantu. Ihe Omua muene okue shi popi kutja aambanda moshilongo sha Kalunga itaa ji mo. Uumbanda ouo ostiponga. Ehol.21:7-8.

N. Johannes.

ota pukulula aayakuli ye. Dhiginina omakankameno gu uuka. Shaa turu to pitilile pu Kristus, etungo lyoye oli nokukumuka. Ihe shaa tuu etungo lyoye lyu uukililathana neuutho lya Kristus, nena kali na mpoka tali ka tenguka.

"Onguka a tameke oshilonga oshiwanawa mune, oye ote shi gwanitha wo sigo esiku lya Kristus Yesu." (Fil. 1:6)

(Elundululo)



Ongulu ndjika ojo ongulu ja shike andola.  
Otashi fatululua moshifo tashi ja.

## EHAMBELELO.

*Nda hokwa Jesu, ongoye nguka wa pe ndj' omwenyo nolutu nduka. Ondu uuvu ewi lyeithano, mekolo lyoye ndi kale mo.*

*Nda mono, Jesu, ohoole yoye. Wa dhimi p'oondjo nombinzi yoye. Wa pe ndj' ombili nenyanyu wo. Mungoye ondi nekulilo.*

*Wa pe ndj' ompito kiilonga yoye. Wa pe ndj' iimpungu yomepya lyoye. Wa pe ndj' oonkondo, ndaa loloke. Nenyanyu handi ku longele.*

*Oti ku tanga, te hambelele. Wa longele ndje iinim' iinene. Unene tandi ku pandula molweso lyoye ku Golgata. Martta Paavola.*



# OSHIKOLOLO SHOMEGUMBO

TATU KUNDACANENE EPUTUDO.

AAPUTUDI TAA PULUA SHIKE JA  
UAPE OKUPUTUDA AAPUTUDUA  
JAUO?

Tangotango omuputudi ota pulua oje muene ni igandje ku Kalunga mokukala kwe akuhe. Omuputudi ngoka ta kala melelo ljoohapu da Kalunga no melelo ljombepo Ondjapuki, oje auike ta ningi omuputudi omuanaua.

Mpaka oluindji otapa monika uuheci mokuputuda kuetu. Jina juuheci mbuka oje okuaaiputuda, omuntu iputude je muene noku kale melelo nomeuiliko ljombepo ja Kalunga. Ondi shi ngiika ho jematele oluindji aaputudua joje shono itaa vulika? Eeno oluindji otapa monika maaputudi ojendji nkene taa jemata omolua aaputudua jauo oluvalo luauo nenge aalelua jauo sho je li po ihaa vulika. Eeno shili okuaavulika huka oku li po shili okuindji, no taku jemateke tuu shili. Ihe aaputudi aakuetu ne, onaua ngele tatu tala naua kutja oshiponga oshi li peni nani? . . . . . Ohaa ti: „Shino tashi li ekunde omekunde shi li.” Tashi ti: Onaua ngele omuputudi kehe na kale nokukonakona pamue oshiponga shika oshi li ku je, no sha ponokele ngeji moluvalo lue nenge maalelua je? Onaua omukuetu ngele mpaka tatu tala naua tse tu konakone oshinima shika oshiuinaji kutja ekota ljasho oli li peni ano? Komapulo ngaka kandi na ejamukulo lilue, aue, oljo alike ndjoka kutja omuputudi na kale melelo ljombepo ja Kalunga noku kale pahapu da Kalunga ogo ta ningi omuputudi omuanaua.

Andola aaputudi taa kala shili je hole oohapu da Kalunga, nelongo ljado, andola naaputudua uo taa vulu okuholela aaputudi jauo. Ihe omuputudi ngoka iha vulu okui-pangela miinima mbjoka taji hongolola aantu, oje ota kanica oomuenjo doka ta pukica ngaaka, omuputudi a tja ngaaka kee na mpoka ta janda epangulo edigu lja Kalunga. Luk. 17:1,2. Ngoka ta putuda oluvalo lue naalelua, je iti ipangele miinima iuinaji, oshili kee na mpoka ta vulu okuputuda naua aaputudua je. Oku na aaputudua ojendji mboka je li muupika ui ili no ui ili, ngele miifundja, muufuci, muunkolui, no muufukedi uiikunuuva, muuholume, muumbudi, modino jokudina aakuluntu, nokudina oohapu da Kalunga. Omatindi ngaka oluindji oje li maaputudi. Ojo tuu mboka taa ji ipopile oluindji kutja „otatu ningi ano ngiini?” „Aanona jongashingeji ihaa ja vulika no nando ou hale to popi itaa ja uuvuko, iihuepo ndi muene opo ndaa mone uudigu aluheluhe.” Odoshili doka kutja aaputudua ihaa vulika, ihe odoshili uo kutja tango ngele omuputudi a hala aaputudua je ja kale aantu auanaua na kale aluhe moshili, je ni ipangele miinima ajihe Ps. 119:14-16, 34,43, 44. Aaputudi ojendji sho ja kakatela iinima ja tsondumbo noohapu da Kalunga taa vulu ngiini okukanjutulula mo aaputudua jauo muuinaji ui ili noui ili. Sho ua pikua kiikolika naamuje naalelua joje otaa ningi uo aapika jiiikolika. Mat. 7:3-5. Omuputudi ni iputude shili metilokalunga alihe. Ngele omuputudi ite ende pahapu da Kalunga, nena omuputudi ne shi tseje kutja eputudo lje osima jouala Joh. 15:5. Onke ano omuputudi ngoka to lesa dika di pungula ngoje u di longice mokuputuda kuoje, ino lesa ouala e to di cigi moshifo, ihe nadi kale uo muenjo guoje.

J. A. Nantinda.

## EPUTUDO

momikalo omiuanaua

Oku na omugandji ngoka a pe aantu ajehe uuanaua note ke ja pa uo. Ihe okua hala omuene kehe a diginine oshipeua she. Kape na ngoka e na eipopilo, ina peua sha ando. Iipeua joje ou li najo ngiini, oue ji opalekele tuu esimano ljomugandji?

Otatu popi mpoka omagano omanene ngoka Kalunga e ga pe oonakuvala (ovadalakadi) ajehe oluvalo. Uujuni otatu simaneke tuu Kalunga nge tau tala aamuje nkee taje ende? Unake ando to simanekua nge taka talua aamuje? Otu shi shi uujuni oua tegelela omikalo omiuanaua maamuje. Ihe omikalo omiuanaua ihadi imenica ouala momunona ohadi kuacua kaakuluntu jauo di mene naua. Ojo haje di tsike mo mojana. Opo ja kale momikalo omiuanaua otaa pumbua eputudo ljoojina noohe jauo. Omukuluntu omukriste ota tegelelua a putude shili ojana muukuluntu auhe nokuli egumbo lje alihe opo li gandje esimano ljomuaa momikalo omiuanaua.

Omuti kehe hagu liua ando u pulue oua hala iijimati jaguo ji longicue ji liue ha kuekeluahi. Aanona jaa namikalo oja tja iijimati taji ekeluahi peha ljokuliuu oshoka itaa opalele okulongicua kOmuaa. Kalunga okua lilica Eli sho e mu geelele etangalalo ljojana. Oje okue ja denge neso. Aana ja Eli oja si esiku limue ajehe oja li je momikalo omiuanaua moshiguana miinima iijapuki nokuli ano omikalo dokusimaneka Kalunga kadi po onkee ja geelua. Omuaa okua ti ota simanekica ngoka he mu simaneke no ta dinica ngoka e mu dina. Oluvalo luoje otalu pumbua omikalo omiuanaua maantu nokoshipala sha Kalunga unene. Omunona ngele a hunuca okusimaneka aakuluntu a hunuca uo euaneko ljoshipango oshitine. Elago kombanda jevi nomuenjo omule ite gu mono. Ota mono ouala ondjila ofupi jaana ja Eli, inaa kulupa oja si mbala osho uo hala?

Omuaa okua ti: „Ngele omulangeli ta mono egongamuele tali ja ihe ita londoda aantu, egongamuele etali dipaga oje okua sile ondjo je ihe ombinzi je ote ji pula miikaha jomulangeli”

Aanona mboka kaa neputudo euanaua otaa sheke notaa dini naji Kalunga omushiti guauo taje shi ningi mokuaatseja sigo ji igilile ngaaka. Onda muene omulumentu omuna guomukristelela ando, ihe sho ta imbica oshikitara ota ti inashi imba nando oondjimbo duukriste, okue di vulua aniuva, iinima ja Kalunga aluheluhe, okua hala ouala odansa. Eputudo ljomukuluntu ue olja simanekica ihe lje mpono, oto ti omushiti gue! Shimue tu shi shi olje mu shekica shili.

Omikalo dika oda fa tadi njengana nojendji taa lilicua koojana omoluomikalo omiuanaua. Ando tu tale oshilja shoka sha mene moondjoho nashoka sha mene miimpungu. Shomoondjoho osha fa oondjoho nomuiidi moka sha mene noshuiinaji sha pemba naji no itashi vala ue. Ihe shoka sha mene miimpungu oshiuuanaua notashi vala uo naua. Ngoka i iputuda tango oje oku

na uo eputudo epu mojana je, oshoka oja fa iilja ja mena miimpungu oje oshimpungu tashi njanjukilua iilja jasho. Ihe ngoka kee shi eputudo ojo otaa zi mo ngashi jo no taje mu hepeke sho a koko. Onkee omunelago unene guomaagundjuka oje ngoka ta tameke okuiputuda manga ku na nokuli oomvula 20 omuputudua gue ina hokoka a longekida oshimpungu ngashingeji.

Ngoka e momikalo otadi mu kuaca neputudo lje, oshoka sho ta pukulula nokana omikalo nonkalo je otaji mu kuaca uo okuuilika aanona sho taa tala. Opo uaa tegelele iilja ngoje ua kunu oondjoho, tameka okuenda ngashi ua hala aamuje je ende no ja ka ende. Tameka mu Jerusalem!

Aavali (ovadalakadi) naaputudi aakuetu, tu dimbulukueni mboka oOmuaa, onkee naje mu putudilue „Aanona ojo omagano gOmuaa nolualo luela oshipeua.” (Ps.127:3)

T. Tuataleni.

## EPUTUDO MOSHILI.

Kalunga okua shiti omuntu e mu joolola miishitua ajihe. Oje a peua uuanaua auhe, ua guana a joolole uuanaua nuuinaji. Onke omunona ta pumbua eputudo a putudue kaakuluntu je. Aaputudi jaanona ojo he na jina, naaleli jalue uo, mpoka omunona e li po.

Ano mokuputuda aanona otu nokupula Kalunga oondunge shili e tu pe omajele ogendji noondunge odindji, oshoka pe nuudigu shili.

Mokuputudila omunona moshili, shotango, osho shika, aakuluntu ja kale aana mbili, je nohapu jimue joshili. Ano, he ngele ta popi oshinima nashi kale shoshili. Osho aakuluntu kaje na okufundja aanona nenge omunona, opo omunona kaa dimbulule kutja, nani na tate nenge meme ha fundju uo. Na osho uo aakuluntu je na okukotoka jaa sose omunona, oshoka mokusosa kuatja ngeji omunona ti ilikolele iifundja ojindji shili. Noshitijali aakuluntu ja kotoke shili oohapu dauo daa lunduluke monakutsi gaanona, nando esiku limue. Osho uo omunona ngele a jono tango na gandue shili neui, opuuu, no ngele a jono uunene no ta lombuelua kutja, otandi ku denge, osho na dengue uo. Nongele taa lombuelua kutja, ngele to jono isheue ngeji otandi ku denge, no ngele a jono isheue na dengue ngashi kua li a uvanekelua opo a dimbulule oohapu daakuluntu di ninge aluhe momakutsi gomunona di kale doshili aluhe. Na isheue omunona na hokololelue omahokololo omakulu gaantu mboka je hole iifundja nkene ja mono uudigu ouindji shili molua iifundja mbjoka je ji popi, osho ngeji iifundja omunona te ji njanjala shili. Osho uo na hokololelue uo, omahokololo omakulu gaantu jo nale mboka haa popi oshili nkene ja mono uuanaua molua sho haa popi oshili; onke haa mono uuanaua ouindji, oshoka je hole oshili.

Osho uo aakuluntu naa kale aamuene kaje shi aapopjagani joohapu odindji, aue, ngano ga jela ageke. Uunene omunona na longue okutula Kalunga nokulongua nkene Kalunga kee hoole iifundja. No nkene Kalunga e hoole oshili na nkene Kalunga oje oshili, na kuume kaanona Jesus oje e hoole oshili, ha tondo iifundja. No ngele a ningi e noondunge na kongelue uo omahokololo mOmbimbeli ngaka taga hokolola Kalunga Etsikilo kependja eti 8.



# AALESHI TAA NJOLA

## "IRUGANA YOGÉ NA I DIVA".

Age ta tanta asi: "Irugana yoge na i diva." Naina, mumati mukwetu, eyi vana diva irugana yoge, dukira kwa Hompa. Age ta ku tambura nohoore.

Vamati vontantani mapenda gana gu mouzuni. Nomutyima dawo dina pi koikunwa. Maruho gana vuka, maugara gana koro, morwa nomutyima dawo dina kukuta. Ko tara si, mukwetu, nomukisi dina vuka movantu, ngamomu mukisi gosikamuhwa. Nondokotora dina roroka. Nomukisi edi kapi tadi pu movadinkantu morwa kudira kulipangera. Ipo, mudinkantu, tu lipangere marutu getu, ga kanguke, ipo tu wapere Hompa Yesus.

Zigida paapa kuna kara mpito, kuga paapa Hompa ta ku zuvu. Murunde ga roroka eyi ta kugu, Hompa ta mu zuvu sili. Mat. 11: 28-30.

R. K. Shikondomboro, Abenab.

## UZERA...

momu to si diva naua asi: Masiku nomutenja kapi a ga vuru ku karako siruuo simue, ahoue, noku uapasi ga guanekere kumue. Ove ngapi nje omu to vuru kurongera muzouoli goge membo ljoge omo muna njata na muna savagana konjata zoge. Tasi tanta asi irugana yoge najinje ojo kapi taji kuatasana nouzera ua Hompa Jesus. Kaume ntene kapi to ji sigi Hompa gombiri ta ku pitakara, nanamumvo hena. Dimba rusumo oru 455 ntene ono hara kuzamo, genderera oze mo meparu. Rungapi Hompa ana ku zingida, inje ove kapi onohara? Uaha dane sa eparu, siruuo sefilonkenda tasi likokere. Tara Hompa Karunga kipasi govafe, Ahoue, „ame njame Karunga kovanamuenjo." Luk. 13:24. Hompa goge gombili ta ku tante re mezido ljoge ljahulilira asi: Luk. 13: 34-35.

Napa diuoroka nonkango dimue dina kara Mehororo 22:10-21. Hompa a tu kuase tu mu papare nomomutjima dina fu enota ljoujuuki uokomuenjo.

Sigongi setu sina hulisa nekanderero. Musitagongalo musuamane M. Shifula ana tu resere nonkango douzera uevangeli ou una humburukire mouzuni tau minikire momuenjo gomuntu kenje Joh. 1: 9.

Jaroo edina lja Karunga ketu, ogu ana tu tumine eparu, va li fumadeke nakunje na napenje.

A. M. Lihongo.

## EPUTUDO...

onkene ta pandula mboka je li moshili, no sho Kalunga nkene ta geele mboka haa fundju, osho ngeji omunona ta putudua moshili.

Eeno otse aakuluntu tua peua shili oshilonga shika oshinene ku Kalunga, onke inatu dineni oshilonga shika oshinene shili tatu ke shi pulua uo ku Kalunga ngele tatu kala aaheci.

Kalunga ne tu kuace uo, je e tu pe omajele moshilonga shika.

Gideon. M. Nailenge.

## KAAKULUNTU JAANONA.

Ope na oshinima shimwe, aakuluntu jamwe inaje shi nongela mpoka shi noshiponga. Nojendji ja jono po nokuli aana jawo nosho. Olwindji sha alula omueajo gwandje.

Esiku limwe omukulukadhi nima, okwa ithanwa komukulukadhi nima, sho kwa adhika kethimbo ljokumona okanona. Pamwe a adhika ando kuumbanda, siku limue okanona ka si; nenge ke na nga omwenjo. Nena omukulukadhi ngoka a kwatha mukwawo a mono oonganda dhe oku faalela shaa ngoka a mono. Aakuluntu jakwawo ihwepo tuu. Tala nkene ina joolola mpoka e noku dhi popja. Ota adha aakuluntu mumwe nuunona, nena aanona je li po ota njana ashike mukwawo.

Tala u tale aanona ngula sho taa ja koskola oto adha aanona je li okangundu. Gumue ta ti: „Munangue Nima a mono okanona, okua li a tila sha ti sha ngiini ngiini." Nena aanona ajehe, hehe." Ongaakuluntu naanaa mboka je shi shoka hashi kala po. Nenge ishewe oohapu odhindji miinima jiili no jiili inaji oopala momakutsi gaanona. Uunene olwindji moskola nda pulakene oohapu odhindji aanona taje dhi popi. Ihe inashi jela nando. Epuko oli li peni sho aanona haa popi iinima jiili no jiili inaji jela?

Ope naakuluntu jamue ja lele aana jauo naji, aanona inaa longwa okuiikalela aakuluntu nge taa kundathana mpoka. Esiku limue gumue a hala aniwa oku ja tidhila kokule, ihe otaa galuka, oshoka ji igilila nale okupulakena shoka hashi kundathanwa. Oshinima shika omukalo omuinaji. Aanona ojendji oonkulungu mokupopja oohapu dha tja ngaaka. Ihe ja pula u tale nando ehokolole limue ljomooohapu da Kalunga aue ee, kee na shoka e shi.

Tala omujapostoli Paulus shoka ta ti. Fil. 4: 8. Osho ano nangoje uo dhiladhila tango shoka oshiwana, osho u kune momumuoje. Ha masheko nominjano. Otandi ku indile, longa omumuoje oohapu da Kalunga komeho gaajihe!

Kundueni nombili ku  
T. Kuume.

## OILONGA.

Rom. 6: 23; Oimaliva oja manena po omunhu efimbo. Oilonga itai dininua ngenge pe na opo tapa monika oimaliva.

Ou ua hala okushiya kutja oshili, inda itale efiku limue kOndjondjo, unene efiku lomatukutuku tau uja. Okudja potundi ontihetatu jongula fio ontihamano jonguloshi, kua toka naa naa. Oto hange ku kua jada ovanhu ndo. Oshinima shatja ngaha ke shiua nande. Omukuaniilua jo okue shi kelela; luhapu a tuma ko ovamati vaje va ka denge ovanhu vaha je ko vali. Ndele natango kave udite ko nande. Vati otava shingifa oinima javo ku ava tava londoloka momatuua. Ndele nani vahapu otava shingifa jo omalutu avo moinima jongahotai hulu po. Nghiti efjo loovene nokuli. Akutu oilonga eshi tai hepa komaumbo.

Otu nokuninga hano ngahelipi vakuetu moshinima eshi? Oilonga ojo efimano loshiuana. Tu diinineni oilonga.

E. Hangobe.

## OKUUANIFA EHALO LA KALUNGA.

Mat.7:21. Ope na ovañu vahapu inava shiva ehalo la Kalunga ñumbi li nokulongua ile okuuanifua. Vahapu ove linekela kutja, omuñu ngenge a shashua je a kolekue, oje omukristelela a uana a pua, ita pumbua sha vali. Ngenge hatu tale meendjovo edi Mat.7:21. Ha Kehe ngoka ta lombuele ndje: Omuaa, Omuaa," ta ji moshilongo shomegulu, aue, oje tuu ngoka ta longo eahalo lja Tate jomegulu. Eendjovo edi otadi tu dimbulukifa ehalo la Kalunga ñumbi li nokuuanifua. Ehalo la Kalunga itali uanifua ngenge ndi li po omukriste. Nda shashua ile nda kolekua opuu. Ehalo la Kalunga otali uanifua ngenge tua efa aishe.

Ehalo la Kalunga olo eli keshe umue e lidilulule shili. Kalunga ota teelee, ame na ove tu lidilulule opo omanjonauno etu a dimue po. Ovakuetu, tu taleni naua, ngenge ohatu uanifa tuu ehalo la Kalunga. Je muene okua hala oilonga jetu ji fimanekife edina la Kalunga. Okudulika kulo. Oku li uanifa ngashi li li. Fie ohatu njone ehalo la Kalunga ngenge tu hole oipupulu noulunde aushe komesho ae. Okulonga ngashi eendunge nomadiladilo etu nomahalo etu a hala, halo euanifo lehalo la Kalunga. Kalunga ota teelee tu uanife ehalo lae ngashi eendjovo daje tadi ti.

Kornelius Augustus.

## OSHIKE ANO TASHI KU NJATEKE?

Andola onda li okadila, ando otandi kambadala ndi cike pomukriste omukuetu kehe mu Kristus Jesus pecimbo limue notandi mu pula ngeji: „Oshike ano tashi ku njateke?" Epulo ndika onde li pula omukriste omukuetu gumue sho nde mu pukulula kombinga jiikolica. Oje a ti tango kungame: „Ndi shi shoka tashi zi pondje itashi njateke ndje?" Onde mu pula ihe ngeji: „Oshike ano tashi ku njateke?" Fatululila ndje uo." Oje a ti: „Oshoka tashi zi meni." Ngame nda pula: „Shoka tashi zi meni oshike?" Oje a ti: „Omadiladilo." Ngame nde mu jamukula nda ti: „Ano ua njatekua kugo oshoka ogo ge ku hilile kiikolica u ji nue." „Inamu kolua komavinu moka tamu zi uinaji kehe." Ef.5:18; Kehe omuntu ta makelua kokahalu ke muene, oko take mu hili no take mu hongolola; nokahalu nge ka ningi okasimba otaka vala uulunde, nuulunde nge ua koko otava eso. Jak. 1:14-15.

Omukuetu diladila Eva. Oje a hongololua komadiladilo ge muene mokutala omuti moparadisa. Eva sho a tala komuti okue gu hokua e ta tonona ko. 1 Mos. 3: 6. Omukriste omukuetu ndi shi ino uva kua tiua omuti gua tala Eva nogue mu hokua, aue, oje a tala ko. Opo tuu mpoka a pundukile muulunde. Omukriste omukuetu, ou shi iikolica ojo je ku hokua? Aue, ongoje ue ji hokua. No ui igandja u ninge omupika guajo. Nda hala natango ndi ku pula epulo ndi: „Oshike ano tashi ku njateke?"

M. Shikongo.

## OSHIFO SHOMUKUETU TASHI LANDUA

MOUAMBO 2/-  
KUUSHIMBA 3/-